

R J E Š E N J E
O UTVRĐIVANJU VISINE NAKNADE
ZA RAD ČLANOVA STRUČNE
LJEKARSKE KOMISIJE

Član 1.

Članovima i sekretaru Stručne ljekarske komisije za davanje ocjene i mišljenja o medicinskoj dokumentaciji, radi dodjele jednokratne novčane pomoći zaposleniku koji prima plaću iz Budžeta HNK ili članu njegove uže porodice u slučaju teške invalidnosti ili teške bolesti, utvrđuje se visina mjesečne novčane naknade (neto na ruke) za rad u iznosu kako slijedi:

1. predsjednik	400,00 KM
2. član	300,00 KM
3. sekretar	200,00 KM.

Član 2.

Članovima i sekretaru Stručne ljekarske komisije naknada iz člana 1. ovog Rješenja isplatiće se za rad u periodu od 13.1.2010. godine do 13.7.2010. godine.

Član 3.

Sredstva za isplatu naknade iz člana 1. ovog Rješenja u ukupnom bruto iznosu od 8.870,00 KM osigurana su u Budžetu HNK za 2010. godinu na poziciji Ministarstva zdravstva, rada i socijalne zaštite, organizaciona jedinica 19010001, ekonomski kod 613 900 „Ugovorene usluge“.

Član 4.

Za realizaciju ovog Rješenja zadužuju se Ministarstvo zdravstva, rada i socijalne zaštite i Ministarstvo finansija.

Član 5.

Rješenje stupa na snagu danom donošenja, a objavit će se u „Službenim novinama Hercegovačko-neretvanskog kantona“.

Bosna i Hercegovina
Federacija Bosne i Hercegovine
HERCEGOVACKO-NERETVANSKI KANTON
V L A D A

Broj: 01-1-02-852/10
Mostar, 11.5.2010. godine

P R E D S J E D N I K
Srećko Boras, s.r.

133

Na osnovu člana 16. stav 1. i člana 17. stav 1. Zakona o Vladi Hercegovačko-neretvanskog kantona („Službene novine HNK“, broj: 3/07 i 5/09) i člana 131. stav 1. alineja 5., a u vezi s članom 69. stav 5. Zakona o policijskim službenicima Hercegovačko-neretvanskog kantona („Službene novine HNK“, broj: 9/07), Vlada Hercegovačko-neretvanskog kantona, na 53. sjednici, održanoj 20.5.2010. godine, donosi

U R E D B U
O ČINOVIMA POLICIJSKIH SLUŽBENIKA
HERCEGOVACKO-NERETVANSKOG
KANTONA

I. OPĆE ODREDBE**Član 1.**

(Predmet)

Ovom Uredbom utvrđuju se: način dodjele početnih činova, pripadajući činovi za radna mesta policijskih službenika zaposlenih u Upravi policije Ministarstva unutrašnjih poslova Hercegovačko-neretvanskog kantona (u daljem tekstu: Uprava policije), utvrđivanje uslova za dodjelu činova zatečenim policijskim službenicima, u skladu sa Zakonom o policijskim službenicima Hercegovačko-neretvanskog kantona (u daljem tekstu: Zakon) i druga pitanja od značaja za provođenje ove Uredbe.

Član 2.

(Ravnopravnost spolova)

Pravopisna terminologija u ovoj Uredbi podrazumijeva oba spola.

Član 3.

(Dodatačni činovi)

- (1) Činovi se dodjeljuju policijskim službenicima.
- (2) Svako radno mjesto policijskog službenika bit će u skladu s njegovim činom.
- (3) Kadeti za vrijeme osnovne policijske obuke nemaju činove.

II. DODJELA POČETNIH ČINOVA**Član 4.**

(Početni činovi)

Početni činovi za policijske službenike su:

- a) policajac - za policijske službenike s najmanje IV. stepenom školske spreme,
- b) mlađi inspektor - za policijske službenike s najmanje VI. stepenom školske spreme.

Član 5.

(Dodata početnih činova i probni rad)

(1) Nakon uspješno završene osnovne policijske obuke, policijskim službenicima dodjeljuje se odgovarajući početni čin iz člana 4. ove Uredbe i raspoređuju se na odgovarajuća radna mjesta radi obavljanja probnoga rada.

(2) Policijskom službeniku koji uspješno završi probni rad potvrđuje se dodijeljeni početni čin policijaca ili mlađeg inspektora.

Član 6.

(Dodata čina mlađeg inspektora)

Izuzetno od odredbe člana 5. ove Uredbe, policijski službenik koji je proveo najmanje tri godine na radu u Upravi policije i stekao viši stepen školske spreme, može se prijaviti za dodjelu čina mlađeg inspektora i rasporediti na odgovarajuće slobodno radno mjesto, bez upućivanja na probni rad, u skladu s uslovima i postupku propisanom Zakonom.

Član 7.

(Način popune slobodnih radnih mjesta)

(1) Odsjek za kadrovska pitanja i logistiku će policijskom komesaru dostaviti listu radnih mjesta policijskih službenika s činom policijaca i mlađeg inspektora koje treba popuniti u sljedećoj godini.

(2) Popuna radnih mjesta iz stava (1) ovog člana, policijskim službenicima s činom mlađi inspektor, provodi se tako da se jedna trećina popunjava javnim oglašavanjem, a dvije trećine putem unapređenja policijskih službenika.

(3) Policijski komesar može, uz obrazloženje, donijeti odluku o drugaćijem omjeru popune policijskih službenika od omjera utvrđenog u stavu (2) ovog člana, ukoliko je policijski službenik od strane Ministarstva upućen na daljnje školovanje ili je samostalno uz rad stekao viši stepen školske spreme.

III. PRIPADAJUĆI ČINOVI ZA RADNA MJESTA POLICIJSKIH SLUŽBENIKA**Član 8.**

(Činovi policijskih službenika i njima pripadajuća radna mjesta)

(1) Radna mjesta policijskih službenika u Upravi policije usklađena su s činom na sljedeći način:

- a) policijac – raspoređen na radno mjesto na kojem se obavljaju svi osnovni policijski poslovi na operativnom nivou;
- b) stariji policijac – raspoređen na radno mjesto na kojem se obavljaju svi osnovni policijski poslovi na operativnom nivou i istražne radnje u policijskom organu;

c) narednik – raspoređen na radno mjesto vođa teritorijalnog sektora, operativni dežurni u policijskom organu, radno mjesto na kojem se obavljaju istražne radnje u policijskom organu;

d) stariji narednik - raspoređen na radno mjesto rukovodioca smjene organizacione jedinice u kojoj je raspoređen, radna mjesta koja obuhvaćaju kriminalističko-istražne poslove i poslove kriminalističke tehnike u organizacionoj jedinici u kojoj je raspoređen, radno mjesto vođe tima u Jedinici za podršku i radno mjesto u Odjeljenju protuexplozivne zaštite;

e) mlađi inspektor – raspoređen na radno mjesto zamjenika komandira policijske stanice, komandira policijskog odjeljenja, radno mjesto za provođenje kriminalističko-istražnih poslova na svim nivoima i poslova kriminalističke tehnike u organizacionoj jedinici u kojoj je raspoređen, radno mjesto rukovodioca smjene organizacione jedinice u kojoj je raspoređen, radno mjesto instruktora u Jedinici za podršku i radno mjesto u Odjeljenju protuexplozivne zaštite;

f) inspektor – raspoređen na radno mjesto komandira i zamjenika komandira policijske stanice, zamjenika komandira u Jedinici za podršku, komandira policijskog odjeljenja, radno mjesto za provođenje kriminalističke i druge istrage na nivoima policijskih uprava i Upravi policije u sjedištu, radno mjesto edukacije, unutrašnje kontrole, inspekcije, praćenje propisa rada policije, rukovodioca smjene operativnog dežurstva u Upravi policije u sjedištu, radno mjesto koordinatora za rad policije u zajednici;

g) viši inspektor – raspoređen na radno mjesto rukovodioca odsjeka u Upravi policije u sjedištu, rukovodioca Operativnog centra u policijskoj upravi, komandira policijske stanice, komandira i zamjenika komandira u Jedinici za podršku, rukovodioca odjeljenja kriminalističke policije u policijskoj upravi, poslovi edukacije, poslovi inspekcije, unutrašnje kontrole u Odjeljenju za profesionalne standarde i druge policijske poslove u organizacionoj jedinici u kojoj je raspoređen;

h) samostalni inspektor – raspoređen na radno mjesto rukovodioca odjeljenja i odsjeka u Upravi policije u sjedištu, rukovodioca Operativnog centra u Upravi policije u sjedištu, komandira Jedinice za podršku, rukovodioca policijske uprave, komandira policijske

- stanice (PS Mostar-Centar, PS za bezbjednost saobraćaja Mostar, PS Čapljina i PS Konjic);
- i) glavni inspektor – raspoređen na radno mjesto rukovodioca Operativnog centra u Upravi policije u sjedištu, rukovodioca sektora u Upravi policije u sjedištu i rukovodioca policijske uprave;
 - j) generalni inspektor policije – čin dodijeljen policijskom komesaru.
- (2) Pravilnikom o unutrašnjoj organizaciji i sistematizaciji Ministarstva unutrašnjih poslova Hercegovačko-neretvanskog kantona, u dijelu koji se odnosi na sistematizaciju radnih mjesta u Upravi policije, utvrdit će se radna mjesta na koja se raspoređuju policijski službenici, broj izvršilaca, opis poslova i pripadajući čin.
- (3) Za radna mjesta policijskih službenika koja budu uspostavljena nakon stupanja na snagu ove Uredbe, primjenjuju se odredbe stava (1) ovog člana i za njih se u Pravilniku o unutrašnjoj organizaciji moraju odrediti odgovarajući činovi.
- (4) Za radno mjesto policijskog komesara ne može se propisati drugi čin osim čina utvrđenog Zakonom.

IV. DODJELA ČINOVA

Član 9.

(Uslovi za dodjelu čina)

Utvrđivanje uslova za posjedovanje već dodijeljenog čina vrši se na osnovu odredbi člana 127. Zakona.

Član 10.

(Komisija za dodjelu čina)

(1) Policijski komesar imenuje Komisiju za dodjelu činova policijskim službenicima iz člana 9. ove Uredbe (u daljem tekstu: Komisija) u sastavu propisanom članom 128. Zakona.

(2) Predsjednik Komisije je policijski službenik s najvećim činom.

Član 11.

(Način dodjele činova)

(1) Komisija iz člana 10. ove Uredbe za utvrđivanje postojanja uslova za posjedovanje već dodijeljenog čina predlaže komesaru policije dodjelu čina policijskim službenicima, u skladu sa Zakonom.

(2) Ukupni broj činova koji se dodjeljuju prema ovoj Uredbi utvrđuje se na osnovu broja činova određenih u Pravilniku o unutrašnjoj organizaciji i sistematizaciji.

(3) Policijski komesar donosi odluku o dodjeli čina policijskom službeniku na osnovu prijedloga Komisije.

(4) Ukoliko policijski službenik ne ispunjava kriterije za čin potreban za radno mjesto na koje je trenutno raspoređen, Komisija će predložiti komesaru policije dodjelu odgovarajućeg čina, te će se isti rasporediti na upražnjeno mjesto koje odgovara tom činu.

Član 12.

(Dodjela činova postupkom unapređenja u viši čin)

(1) Dodjela viših činova osim početnih činova i dodjele čina propisane članom 9. ove Uredbe, vrši se i u postupku unapređenja policijskih službenika u viši čin, na način propisan Zakonom.

(2) Komisija za unapređenje iz člana 77. stav (3) Zakona, predlaže komesaru policije unapređenje policijskih službenika u viši čin.

V. ODUZIMANJE ČINA

Član 13.

(Razlozi za oduzimanje čina)

(1) Policijskom službeniku koji nije uspješno završio probni rad, uz rješenje o otpuštanju, donosi se i rješenje o oduzimanju čina.

(2) Policijskom službeniku kojem prestaje radni odnos donosi se rješenje o oduzimanju čina.

(3) Izuzetno, na zahtjev policijskog službenika, čin koji je policijski službenik imao u vrijeme penzionisanja može zadržati na počasnoj osnovi, o čemu rješenje donosi ministar unutrašnjih poslova Hercegovačko-neretvanskog kantona.

Član 14.

(Donošenje rješenja)

(1) Rješenje o dodjeli i oduzimanju čina donosi policijski komesar.

(2) Policijski službenik može uložiti žalbu Policijskom odboru na rješenje o dodjeli ili oduzimanju čina, najkasnije 8 dana od dana prijema rješenja.

(3) Protiv rješenja iz stava (1) i (2) ovog člana žalba nije dopuštena, a može se pokrenuti spor kod nadležnog suda.

VI. PRELAZNE I ZAVRŠNE ODREDBE

Član 15.

(Rok za dodjelu činova)

Dodjela činova u skladu s ovom Uredbom obavit će se u roku 60 dana od dana stupanja na snagu ove Uredbe.

Član 16.

(Prestanak važenja ranijeg propisa)

Uredba o činovima i oznakama u Ministarstvu unutrašnjih poslova HNK, broj: 01-02-620-1/02 od 17.12.2002. godine („Službene novine HNK“, broj: 1/03), prestala je važiti u skladu s članom 136. Zakona o policijskim službenicima HNK („Službene novine HNK“, broj: 9/07).

Član 17.

(Stupanje na snagu)

Ova Uredba stupa na snagu osmog dana od dana objavljivanja u „Službenim novinama Hercegovačko-neretvanskog kantona“.

Bosna i Hercegovina
Federacija Bosne i Hercegovine
HERCEGOVACKO-NERETVANSKI KANTON
V L A D A

Broj: 01-1-02-918/10
Mostar, 20.5.2010. godine

P R E D S J E D N I K
Srećko Boras, s.r.

134

Na osnovu člana 16. stav 1. i člana 17. stav 1. Zakona o Vladi Hercegovačko-neretvanskog kantona („Službene novine HNK“, broj: 3/07 i 5/09), člana 65. stav 4. i člana 131. stav 1. alineja 3. Zakona o policijskim službenicima Hercegovačko-neretvanskog kantona („Službene novine HNK“, broj: 9/07), Vlada Hercegovačko-neretvanskog kantona je na 53. sjednici, održanoj 20.5.2010. godine donijela

U R E D B U
O PRIVREMENOM EKSTERNOM
PREMJEŠTAJU POLICIJSKIH SLUŽBENIKA
MINISTARSTVA UNUTRAŠNJIH POSLOVA
HERCEGOVACKO-NERETVANSKOG
KANTONA

Član 1.

(Predmet)

Ovoj Uredbom uređuje se postupak privremenog eksternog premještaja policijskih službenika Uprave policije Ministarstva unutrašnjih poslova Hercegovačko-neretvanskog kantona (u daljem tekstu: Uprava policije) u drugi policijski organ, organizacionu jedinicu, upravni organ, ustanovu za

policajsku obuku ili drugu instituciju ili ured u Bosni i Hercegovini, u skladu sa Zakonom o policijskim službenicima Hercegovačko-neretvanskog kantona (u daljem tekstu: Zakon).

Član 2.

(Saglasnost policijskog službenika)

Privremeni eksterni premještaj moguć je samo uz saglasnost policijskog službenika.

Član 3.

(Uslovi za privremeni eksterni premještaj)

Privremeni eksterni premještaj policijskog službenika provodi se u slučajevima:

- postojanja potrebe policijskog organa, drugog upravnog organa i institucije koja traži takav premještaj za obavljanje policijskih poslova;
- postojanja potrebe stalnog osiguranja osoba ili zgrada;
- postojanja potrebe za davanjem procjene ili savjeta iz djelokruga rada policije.

Član 4.

(Rok trajanja privremenog eksternog premještaja)

Privremeni eksterni premještaj ne može trajati duže od četiri godine, a može se obnoviti samo u drugom uzastopnom periodu.

Član 5.

(Zahtjev za privremeni eksterni premještaj)

Zahtjev za privremeni eksterni premještaj Ministarstvu dostavlja rukovodilac policijskog organa, organizacione jedinice, upravnog organa, ustanove za policijsku obuku ili druge institucije ili ureda koji imaju potrebu za policijskim službenicima.

Član 6.

(Sadržaj zahtjeva)

Zahtjev za privremeni eksterni premještaj mora sadržavati podatke o razlozima potrebe za policijskim službenicima i vremenu trajanja eksternog premještaja.

Član 7.

(Izbor policijskog službenika)

Po nalogu ministra unutrašnjih poslova, policijski komesar provest će izbor policijskog službenika.

Član 8.

(Način izbora policijskog službenika)

(1) Policijski komesar izabrat će policijskog službenika koji će biti eksterno premješten putem internog oglašavanja ili neposrednim izborom.